



Skallolåhkåma ábbålasj njuolgadusá

Girkkotjáhkanimes mierreduvvam jagen 2021

- 1.** Girkko gásstaj gáhttju danen gá Jesusa bágo Matt 28, 18-20 alodi jáhkón gástadittjat ja áhpadittjat:
«Munji le gájkka fábmó almen ja ednamin vatteduvvam. Mannit dan diehti gájkajt álm mugijt áhpadisálm mán dagátjit: Gástadihtit sijáv Áhtje ja Bárne ja ájlis Vuojnjanisá namán ja áhpadihtit sijáv gájkka mujsta vaddem budájt anodit. Ja mán lev dijá lunna gájkajt biejuvjt gitta várálda náhkámij.» (Matt 28, 18-20).
- 2.** Dán dahkamusá milta gástat girkko mánájt gejt sijá æjgáda/ávdástiddje gásstaj bukti, ja nuora ja állessjattuga gudi ietja sihti gástaduvvat. Mánájt gássta dáhpáduvvá dajna vuorddemusájn jut bessi sijdan ja girkkon ásskoáhpádussaj sæbrrat ja válldi oasev girkko skallolåhkåma árnigis. Gástadattijn tjoaggulvis ristagis vuornádusáv ja jáhkóv javllá. Dáv dahká aj mañemus skallidimjubmeldievnastusán.
- 3.** Skallolåhkåmájgge l rabás sihke sidjij gudi li gástaduvvam, ja sidjij gudi ælla. Sidjij gudi ælla, sihtá girkko skallolåhkåma ájge bagádallat jáhko ja gásta guovlluj valla galggá agev iesj mierredit. Jus galggá skalliduvvat de galggá gástaduvvam. Bierrí dilev láhtjet váj oassálasste gudi válljiji e sidá skalliduvvat, oadtju værddogis láhpav skallolåhkåma ájges.
- 4.** Gáhttjum skallidibmáj guosská juohkkahattjaj, vájku makkir vidjurin la.
- 5.** Tjoaggulvisá jubmeldievnastusáj oassálasstem la guovdásj oasse skallolåhkåma ájges. Skallolåhkke galggi oassálasstet binnemusát gávtse jubmeldievnastusájda skallolåhkåma ájge. Sierralágásj jubmeldievnastusá skallolåhkåma ájge li ávdđánbuktema jubmeldievnastus, ságastallam-jubmeldievnastus, skallidim-jubmeldievnastus aktan juohkka ájnna skallolåhkke ávdásráhkálvisáj ja buorissjivnnjádusáj. Skallolåhkke bierríji boahdet moatte lágásj jubmeldievnastussaj guossen, sæmme báttá gá galggá oahpes ja bájke dábe galggi tjuovoduvvat. Skallolåhkåma ájge sálma bierríji girkko aktisasjåbmudagáv ávdástit.
- 6.** Skallolåhkåma jubmeldievnastusáj aneduvvi ienemusát girkkojage tevsta. Mañemus skallidimjubmeldievnastusán aneduvvi ienemusát tevsta ma sierralåhkáj li skallidibmáj hiebaduvvam. Jubmeldievnastusá hiebaduvvi bájkálasj tjoaggulvisá oajvvejubmeldievnastusá árnigij.
- 7.** Liturgalsj dievnastus bierrí nav guhkás gá vejulasj juogeduvvat báhpa, katekiehta ja/jali iehtjáda gaskan guhti sierralåhkáj la skallolåhkkij áhpadime ávdás vásstedam.
- 8.** Dá ábbålasj njuolgadusá báhti 1992 Jubmeldievnastusgirje mærrádusáj sadjáj. Oajvvejubmeldievnastusá ábbålasj mærrádusáj tjuorgga 6 guosská aj skallolåhkåma ájge jubmeldievnastusájda.